

Beavdegirji

Sámi girkoráđđi (SGR)

Skábmamánu 28.- 29. b. 2014

Hábmer

Čoahkkimis ledje:

Anne Dalheim, jodiheaddji

Ingar Nikolaisen Kuoljok

Jovna Z. Dunfjell

Tor Berger Jørgensen

John Erland Boine – várrelahttu

Kirsten Isaksen – várrelahttu

Mareno Mikkelsen – várrelahttu (guovllu ovddeastaddji earenoamážit gohččojuvvon)

Eai boahtán:

Mari Helander

Liv Eli Holmestrand

Linn Ellen Kristina Leine Sivertsen

Čállingottis:

Tore Johnsen

Gerd Karin Røsæg

Vidar Andersen

Čoahkkinbáikkid

Vuosttaš čoahkkibeavvi Hamarøy hotell, Strávvenjunnje.

Nuppi čoahkkibeavvi Árran julevsámi guovddáš, Ájluokta.

Ruhkosat

Iditruhkosa doalai Jovna Dunfjell vuosttaš beavvi, ja Tor B. Jørgensen Ingar N Kuoljoka girkoogahtesajis nuppi beavvi. Ráđđečoahkkima loahpahettiin celkkii Tor B. Jørgensen buressivdnádusa.

Sálbmaeahket ja ságastallan soabaheami birra

Sálbmaeahket lágiduvvui Vuohppe girkus, sámi koarra Drag Jiena lei maid mielde. Vidar Andersen láidestii sálbmaeahkeda, ja Tor B. Jørgensen álggahii árbmudearvvuodaiguin ja loahpahii buressivdnádusain. Maŋŋil gáfe lei ságastallan soabahusa birra man Ingar. N. Kuoljok kodihii

Čoahkkin Árran julevsámi guovddážiin

Sámi girkoráđđi ja Árran julevsámi guovddáš deaivvadedje eahpeformálalaččat. Lei earenoamážit sáhka hástalusaid birra ollašuttimis ovttaidolbmuid vuoigatvuodaid deaivvadettiin almmolašvuoda..

Čoahkkimis čállojuvvui sierra ságastallanreferáhta.

Áššelistu

SGR 23/13 Beavdegirjjit

SGR 24/13 Referáhtaáššit

SGR 25/13 Diehtoáššit

SGR 26/13 Ođđa čoahkkinbeaivvit čakčamánu 2014 ráđđečoahkkimii

SGR 27/13 Ođđa válganjuolggadusat – searvegottaráđdi – bismagottaráđdi ja Girkočoahkkin – nuppádaššii meannudeapmi maŋŋil gulaskuddama (GČ 68/13)

SGR 28/13 Norgga girku ja olmmošvuoigatvuodat (GČ 62/13)

SGR 29/13 Norgga girku vuodđu (GČ 59/13)

SGR 30/13 Stáhtabušeahhta 2015 (GČ 54/13)

SGR 31/13 Mihttomearredokumeanta Norgga girkui 2015 – 2019 (GČ 64/13)

SGR 32/13 Álbmotgirku sámi girkoeallima dáfus

SGR 33/13 Soabahusbarggu joatkka

SGR 34/13 Sámi girkoeallima strategalaš plána čuovvuleapmi

SGR 35/13 Dohkkehit davvisámegeiel geahččalanteavsttaid sárdne- ja lohkanteakstan

SGR 36/13 Eará áššit

Ášši SGR 23/13 Beavdegirjjit

1. Beavdegirji Sámi girkoráđi čoahkkimis 19. – 20.9.2013 Oslos.

Mearrádus

Sámi girkoráđdi dohkkeha beavdegirjji.

Ášši SGR 24/13 Referáhtaáššit

1. Beavdegirji Girkoráđi čoahkkimis 26. – 27.9. 2013 Oslos
2. Beavdegirji Girkuidgaskasaš ráđis 19. – 20.9.2013 Oslos

Mearrádus

Sámi girkoráđdi váldá referáhtaáššiid diehtun.

Ášši SGR 25/13 Diehtoáššit

1) Njálmmálaš dieđut válđočálli

1. Norgga girku álgoálbmotbargu – oddaseamus dieđut
2. Girkuid máilmmiráđi válđočoahkkin Busanis, Lulli-Koreas
3. Dieđut Norgga girku odđa neahttačovdosa birra, Kirkenett
4. Deaivvadeamit Davvi-Hålogalándda bismagottiin
5. Girkolaš čalmmustahttin vuodđolágaávvudeamis 2014 – muhtun dáhpáhusat

2) Reivvet ja eará čállosat

1. Artihkal: En røst från norr (Jietna davvin), bisma Samuel Salmi Suomen Kuvalehtis (suomagiel vahkkomagasiidna,, deaddiluvvojit 100 000), čakčamánu 20. b. 2013
2. Reivve: Girku Heahteveahkki iežaset álgoálbmotvirggi birra ja álgoálbmotruđat Noradis.
3. Epoasta: Joik i kirka (Juoigan girkus), epoasta kantor Kristian Paulsenis
4. Norgga girku dilli – rapporta
5. Ovttas – ovttaseallin ja ovttaseallinortnegat girkolaš oainnus. Rapporta
6. Biibbaljorgalandárbbut. Reivvečálašeamit
7. WCC Pre-Assembly ja Assembly – álgoálbmogiidda guoskevaš čállosat

3) Mediaáššit

Mearráđus

1. Sámi girkoráđđi válđá áššiid diehtun.
2. Sámi girkoráđđái leat čoahkkináigge fuomášahttojuvvon čielggahtkeahkes áššit sámi hávdádanbáikki bázahusain Divttasvuonguovllus. Sámi girkoráđđi ávžžuha Lulli-Hålogalándda bismma ráhkadit notáhta dán hárrai čuovvuleaddji ságastallamii rádis.

Ášši SGR 26/13 Odđa čoahkkinbeaivvit čakčamánu 2014 ráđđechoahkkimii

Čoahkkáigeassu

Sámi girkoráđđi mearridii čoahkkinplána 2014:ii áššis 14/13 čoahkkimis Oslo čakčamánu 19.-20. b.d.j. Danin go čakčamánu čoahkkin deaivá leat eará čoahkkimiiguin oktanaga, lea vuogas rievdadit čoahkkináiggi..

Mearráđus

- Sámi girkoráđđi mearrida čuovvovaš rievdadusa 2014 ráđđechoahkkimiid čoahkkinplánii:
2. čoahkkin dollojuvvo čakčamánu 16. – 17. b. Porsággus.

Ášši SGR 27/13 Odđa válganjuolggadusat – searvegatteráđđi – bismagatteráđđi ja Girkochaahkkin – nuppádaššii meannudeapmi maŋŋil gulaskuddama

Čoahkkáigeassu

Girkoráđđi meannudii evttohusa odđa válganjuolggadusaide searvegatteráđđái ja evttohusa odđa válganjuolggadusaide bismagatteráđđái ja Girkochaahkkimii čakčamánu 26.b. 2013. Girkoráđđi válddii meannudeamistis vuhtii Sámi girkoráđđi meannudeami ráđi čakčamánu čoahkkimis (SGR16/13)

sámi girkoallima áirasiid válganjuolggadusaid dáfus bismagotteráddái ja Girkočoahkkimii. Evttohus, oktan smávit rievdademiiguin maŋŋil girkoráddečoahkkima, leamaš dábálaš gulaskuddamiin áigodagas čakčamánu 27.b. rájes skábmamánu 8.b. rádjái. Gulaskuddamiiguin oktanaga leat buot searvegottit mat ain leat fárus geahččaladdanortnegis válljet beali searvegotterádis juohke nuppi jagi, bovdejuvvon vástidit iskkadangažaldagaid ortnega birra..

Girkorádi čakčamánu 26.b. čoahkkima, válganjuolggadusevttohusaid gulaskuddamiid ja oaiviliskkadallama vástádusaid vuodul, biddjojuvvot dál ovdan heivehuvvon evttohusat searvegottelahtuid-, bismagotteráddelahtuid- ja Girkočoahkkinlahtuidválggaide. Direktivrii bivdojuvvo addojuvvot fápmudus gárvvihit áššebáhpára Girkočoahkkimii 2014 áššemeannudeami vuodul Girkorádi čoahkkimiin čakčamánu ja juovlamánu..

Sámi girkorádi meannudeapmi dán áššis árvaluvvo ráddjejuvvot válganjuolggadusaide sámi áirasiidda bismagotteráddái ja Girkočoahkkimii. Válganjuolggadusat sámi áirasiidda dáidda ásahusaide gávdnojit čuovvovaš čuoggáin áššebáhpáris:

- Čuokkis 2.4.1 Jienasteami áigemearri..., 2 maŋimuš časká
- Čuokkis 2.6 Sámi girkoallima ovddasteaddjiid válljen bismagotteráddái ja Girkočoahkkimii
- 5. Válganjuolggadusat bismagotteráddái ja Girkočoahkkimii. Geahča dáid paragrafáid:
 - § 1-1. (1) e.
 - § 1-2
 - § 2-7 (1) a.
 - § 3-1 ja 3-2

Mearrádus

Sámi girkoráddi doarju njuolggadusaid sámi ovddasteaddjiid válljemii bismagotteráddái ja Girkočoahkkimii nugo áššebáhpáris bohtá ovdan, ja ávžžuha Girkočoahkkima dohkkehit daid.

Ášši SGR 28/13 Norgga girku ja olmmošvuoigatvuodát

Čoahkkáigeassu

Girkuidgaskasaš rádi čakčamánu 19.-20.b. 2013 čoahkkima ávžžuhusa mielde sidai Girkoráddi čoahkkimisttis čakčamánu 26.-27.b. Girkočoahkkima meannudit ášši Norgga girku ángiruššan olmmošvuoigatvuodaid ovddas 2014:s, čielggadusa *Luoitte luovus vealahuvvon olbmuid! Norgga girku ángiruššan olmmošvuoigatvuodaid ovddas* vuodul, mii dalle biddjojuvvui rádiid ovdii. Guktot rádit bukte evttohusaid áššebáhpára sisdollui ja evttohusa Girkočoahkkima cealkámuššii. Girkuidgaskasaš ráddi oážžu dál ášši 3. gearde meannudeapmái ja bivdojuvvo buktit árvalusaid mearádussii ja áššebáhpárii ovdal go dat sáddejuvvo Girkočoahkkimii. Girkoráddi meannuda ášši čoahkkimistis juovlamánu 5.-6.b.

Ášši vuoddu lea čielggadus *Luoitte luovus vealahuvvon olbmuid! Norgga girku ángiruššan olmmošvuoigatvuodaid ovddas* maid Girkuidgaskasaš rádi olmmošvuoigatvuodálávdegoddi lea čállán maŋŋil go Girkuidgaskasaš rádi čoahkkin njukčamánu 2013: bivddii sin. Čálus geahčada mo riikkaidgaskasaš olmmošvuoigatvuodavuogádat dál hástala Norgga girku, ja man láhkái girkolaš vástádus berre leat.

Sámi girkorádi mearrádus áššis SGR 18/13 ii lean váldojuvvon mielde áššebáhpárii álgoálggus. Sámi girkorádi čállingoddi lea bidjan mielde moadde lassi oasi vai Sámi girkorádi mearrádusa ulbmil bohtá mielde. Buot dát časkát leat merkejuvvon fiskadin..

Mearrádus

Sámi girkoráđđi čujuha mearrádussii áššis SGR 18/13 ja deattuha ahte olmmošvuoigatvuođabealli válđojuvvo vuhtii sámi girkoallima ja álgoálbmogiid vuoigatvuođaid barggus Sámi girkoallima strategalaš plána mielde.

Ášši SGR 29/13 Norgga girku vuoddu

Čoahkkáigeassu

2011 Girkočoahkkin eaktudii ahte maŋŋil go girkošoahpamuša áigi lei nohkan, de galgai Norgga girku firmálalaš oahppovuoddu čadnojuvvo mearrádusaide maid Girkočoahkkin lea ieš dahkan. Girkoráđđi čuoovvula dán farggamusat áššiin mii bohtá Girkočoahkkimii 2014:s. Girkoráđđi evttoha ahte 2014 Girkočoahkkin dahká dárbbalaš mearrádusaid prossessaid dáfus ja bidjá muhtin eavttuid bargui mas bohtá ášši 2015:s, goas Girkočoahkkin sáhtá dahkat mearrádusaid mas duodašta Norgga girku oahppovuodu.

Girkoráđđi evttoha ahte oahppovuoddu lea mielde Norgga girku odđa, bajit njuolggadusain. Evttohuvon namma lea Norgga girku vuoddu. Dát njuolggadusat galget – nugo Girkočoahkkin 2006:s ja 2007:s celkkii – šaddat girku muhtin lágán «Vuodđoláhka». Dása galget mielde dušše áššit mat leat earenoamáš detalaččat girku. Earenoamáš rievdadusnjuolggadusat berrejit suddjet dušše dáid. Aiddo dan dihtii ii berre olles girkoortnet dása válđojuvvo mielde. Dálá riektedilis dat ii leat vejolaš ge.

Áššeevttohus čilge lagabuidda makkár fáttát sáhtášedje dákkár njuolggadusaide mielde – ja áinnas goivviduvvot álgoevttohusain. Dasto čuoovvu čielggadus mo ášši galggašii meannuduvvot 2015 Girkočoahkkima rádjái.

Mearrádus

Sámi girkoráđđi ávžžuha Girkoráđi bidjat ášši Norgga girku vuodu birra vuosttas meannudeapmái Girkočoahkkimis 2014 ja doarju mearrádusevttohusa áššis GR 59/13.

Ášši SGR 30/13 Stáhtabušeahhta 2015

Mearrádus

Sámi girkoráđđi váldá ášši diehtun.

Ášši SGR 31/13 Mihttomearredokumeanta Norgga girku 2015 – 2019

Čoahkkáigeassu

Girkočoahkkin galgá dohkkehit odđa višuvdnačállosa Norgga girku bohte njealjejagiáigodahkii, dasgo dálá višuvdnačálus nohká jagi loahpas 2014. Girkoráđis lea ovddasvástáduš oktiiheivehit Norgga gikru plána- ja strategiijabarggu. Earenoamáš bargofáttát almmuhuvvojit maŋŋil.

Norgga girku gaskavuohtha stáhtii lea rievdamin. Mánŋga oasis, mas stáhtas ovdal lea leamaš ovddasvástáduš, gártet välljejuvvo girkolaš orgánat oazžut odđa doaimmaid. Višuvdnačálus galgá

govvet girku, dan iešáddejumi, višuvnna ja doaimma. Dát govva galgá šaddat čielgaseabbun go das bohtet cuigehusat eará dokumenttaid bargui.

Maŋŋil go Girkoráđđi čoahkkimisttis čakčamánu 26.-27.b. 2013 lei meannudan ášši, dat sáddejuvvui gulaskuddamiidda bismagotteráđiiden ja KA:i (Girkolaš barggaheaddji- ja berošteaddjisearvi). Guoaskuddanáigemearri lei skábmamánu 12. B. 2013. Buot bismagotteráđit leat vástidan ja buot gulaskuddancealkámušat leat mielde áššebáhpáris. KA ii leat buktán cealkámuša..

Bismagotteráđiin lea stuorra eanetlohku mii háliida eret váldit dajaldaga «I Kristus, nær livet (Kristusis, lahka eallima)» višuvdnacealkagiid álggus. Dasto dáhttot logis oktanuppelohkásis doalahit mannan áigodaga višuvdnacealkagiid: Norgga girku – dovddasteaddji, mišuvdnaháliideaddji, bálvleaddji ja rabas álbmotgirku. Dán njealji guovddášsáni vuodul addá višuvdna ollislaš almmuhusa ahte girku áigu leat olbmuid lahka iežas dovddasteaddji, mišuvdnaháliideaddji, bálvleaddji ja rabas girku dáhtuin. Višuvdna joatkašuvvá čilgehusaiguin njealji guovddášsátnái álbmotgirku hárrái. Dat čatnasit vuolit čuoggáide mat galget nannet ja addit čujuhusa ja rollaipmárdusa. Čilgehusat eai leat áibbas dievaslaččat, muhto addet dattege veahki dulkojumi áddejupmái ja guvlui.

Go Girkočoahkkin meannuda ášši, odasmahttojuvvo čálus maŋŋil Girkoráđi meannudeami ja bismagotteráđiid gulaskuddancealkámušat válđojuvvojit mielde čállosii.

Girkočoahkkima mearrádus čatná guovddášgirkolaš ráđiid, ja dat leat maid láidesteadjijt bismagotteráđiide. girkočoahkkin ii sáhte dahkat mearrádusaid mat čatnet báikkálaš girkuid, danin lea deatalaš gávdant cealkinvugiid mat dahket ahte olbmot dorjot ja leat miehtemielaláččat daidda rievdadusaide mat boahttevaš jagiid bohtet.

Mearrádus

Sámi girkoráđđi ávžžuha ahte višuvdnačálusevttohus Norgga girkui 2015 – 2019 biddjojuvvo Girkočoahkkima ovdii loahpalaš dohkkeheapmái.

Ášši SGR 32/13 Álbmotgirku sámi girkoeallima dáfus

Čoahkkáigeassu

Sámi girkoráđđi lea mearrádusas dáhtton «čállingotti ráhkadit čállosa mii árvvoštallá álbmotgirkodoahpaga sámi girkoeallima guovdu, vuodđun viidásat ságastallamii ráđis» (SGR 24/11). Dán geažil oažžu Sámi girkoráđđi ságastallanvuodđun jurddačállosa man válđočállo lea ráhkadan. Álbmotgirkodoahpaga áddejupmi lea áigeguovdil go Vuodđolágas lea odđa § 16, ja ságastallan dán doahpaga birra berre earenoamážit dáhpáhuvvat girkoortnetášši vuodul, ja ovdalaš áššiid mat gehččet álbmotgirkodoahpaga sámi girkoeallima ektui. Váikko ságastallamis sáhtta leat earenoamáš mearkkašupmi girkoortnetášši dáfus, de das sáhttet maiddái leat vejolaš čatnasat máŋgga eará áššái, omd. Norgga girku višuvdnabargui, bargui válggaid ja demokratiija dáfus, reformašuvdnaávvudeapmái 2017:s, ja ollu eará áššide ge.

Mearrádus

"Norgga girku, evaŋgelalaš-lutheralaš girku, bissu Norgga álbmotgirkun" lea dál Vuodđolágateaksta.

Sániin “álbmot” ja “álbmotgirku” leat eanet mearkkašumit main leat maiddái nášuvnnalaš ja etnálaš assusiašuvnnat. Dát lea čielggas sámi vásáhusain sihke

historjjás ja dálá dilis. Dán vuodul lea Sámi girkoráđđi hálidan dárkilet ságastallama dán deatalaš, vuodđoláhkanannejuvvon doahpaga birra ja bivdán ráđi válđočálli buktit čieknudahtti smiehttamuša.

Čálus čielggada man girjái “álbmot”-doaba lea ja čájeha mo golbma sierra sáni mat greikkagillii mearkkašit “álbmot”, čalmmustahttet sierra beliid dán sánis: álbmot etnikkalaš joavkun (ethnos), álbmot sosiála-politihkalaš joavkun (demos), ja ipmilálbmot ođđatestamenttalaš mearkkašumis, mii gokčá buot etnikkalašvuodaid ja kultuvrraid (laos). Earenoamážit maŋimuš doaba lea teologalaš doaba mii sisttisdoallá normatiivva mearkkašumi girkui.

Čálus govve deatalaš ovdáneami Norgga girku iešáddejumis das ahte lea leamaš eanáš “álbmotgirku álgoálbmoga haga” dasa ahte lea šaddamin “álbmotgirku mas lea álgoálbmot”. Dát gullá oktii sihke ođđa, kritihkalaš áddejumiin das mo Norgga girku lea leamaš “čalmeheapmi” iežas deaivvadeamis ođđa sámi kultuvrralaš dihtomielalašvuodain, ja ehkumenalaš lihkadusa čalmmustahttin máilmeviidosas girku etnikkalaš, kultuvrralaš ja teologalaš mánggabealatvuodas.

Dákkár “mánggabealatoaidninbáikkis” lea aktiivvalaš ja oinnolaš sámi girkoeallin deatalaš eaktu dasa ahte Norgga girku sáhtta leat álbmotgirku mii govvida viiddit áddejumi “álbmot”-doahpagis.

Ášši SGR 33/13 Soabahusbarggu joatkka

Čoahkkáigeassu

Sámi girkoráđđi lea jerrojuvvon sáhtta go válđit badjelosas leat prošeaktabealálaš lonohallanprošeavttas Lulli-Afrihká Institute for Healing of Memories ja Norgga gaskkas. Prošeakta mielddisbuktá lonohallama dan láhkái ahte Norggas sáddejuvvojit jahkásaččat 2 nuora Lulli-Afrihkái ja Lulli-Afrihkás 2 Norgii (4 olbmo oktiibuot) 11 mánnui 2020 rádjái. Ráfijoavku (Fredskorpset) lea lohpidan ollásit ruhtadit prošeavtta. Prošeavtta váldobealálaš geassádii ovdal go prošeakta álggahuvvui. Dát mielddisbuktá ahte Sámi girkoráđđi sáhtta badjelosas válđi prošeavtta, muhto dát eaktuda ahte šiehtadus dahkkošii ođđasit..

Dát prošeakta lea bohciidan gaskavuodain mat dahkkojedje Davvi-Sálttu ságastallan- ja soabadanprošeavttas (2005-2008) – mas Rolf Steffensen lei prošeaktajođiheaddji – ja sullasaš birrasiin Lulli-Afrihkás, ja earenoamážit ásahusain Institute for Healing of Memories. *Sámi girkoeallima strategalaš plána* cealká ahte “julevsámi soabadan- ja ságastallanprošeavtta vásihusaid berre viidásetovdánahttit ja juohkit daid vásihusaid viidáseappot ” (s. 88).

Áššebábir čohkke Sámi girkoráđi láidestemiid ja doaimmaid áigodagas 2011 – 2013 soabadanbarggu joatkaga hárrái. Čállingoddi árvvoštallá ahte šaddat váldobealálažžan dán lonohallanprošeavttas, nugo dat dál lea, joraha beroštumi álggahandoaimmain joatkadoaimmaide, ja ahte dál eai leat hálddahuslaš návccat ođđasit šiehtadallat daid áigemeriid siskkobealde mat dál leat biddjojuvvon. Dáinna duogážiin árvaluvvo ahte Sámi girkoráđđi ii válde vuostái dán fáldaga, ii ge joatkke doaimma mas galggašii dahkat ođđa šiehtadusa Ráfijoavkkuin (Fredskorpset) ja ásahusain Institute for Healing of Memories.

Mearrádus

1. Sámi girkoráđđi oaidná ahte oktavuoha ja vásáhuslonohallan Máttá-Afrihka ásahusain Institute for Healing of Memories lea leamaš hui mávssolaš Norgga girku sámiguoskevaš soabahus bargui, ja ráđđi lea giitevaš daid álggahemiid ovddas mat Hápmiris leat dahkkojuvvon das ahte joatkit doalahit daid oktavuodaid mat ásahuvvojedje ovdalaš julevsámi gulahallan- ja soabahusprošeavttas.
2. Sámi girkoráđđi atná deatalažžan doalvut viidáset ja ain ovdánahttit daid doaimmaid mat leat álggahuvvon soabahusáššis, ja bivdá čállingotti, ovttas Lulli-Hålogalándda bismagotteráđiin, čielggadit vejolašvuoda organiseret ja ruhtadit viidáset barggu dán áššis.

Ášši SGR 34/13 Sámi girkoallima strategalaš plána čuovvuleapmi

Čoahkkáigeassu

Dát ášši lea diehtujuohkinášši mii addá välljejuvvon ráđđái dieđuid *Sámi girkoallima strategalaš plána* čadaheami dálá dili ja ovdáneami birra. Plána doaibmaáigodat lea 2012 – 2016. Ášši maiddái čalmmustahtá Sámi girkoráđi vuoruheamiid ja ressurssaanu 2014:s.

Miellodus “Sámi girkoallima strategalaš plána doaibmačuoggáid čuovvuleapmi” čájeha man muddui leat ollen juohke doaibmačujuheaddji láidesteami dáfus (jorbadasčuoggát strategalaš plána kap 5:s).

Miellodus čájeha dárkilit dálá dili, ja áššebábir gis alitdási árvoštallama ee. odđa ressurssaid (virggiid) dáfus ja muhtin doaimmaid mat leat biddjojuvvon johtui. Boahhtevaš vuoruhemiid dáfus dáhtut ráđi bidjat eanet deattu áššebáhpára logahallamii go mildosa cealkagiid, dasgo mildosa cealkagat eai váldde doarvái vuhtii dárbbu vuoruhit 2014 doaimmaid.

Vaikko *Sámi girkoallima strategalaš plán* ii leat dássázii dahkan ollu odđa virggiid háhkama dáfus, dássázii á langt har generert lite med hensyn til nye stillinger, de orru Sámi girkoráđđi bures bohtán johtui ásaheames doaimmaid guovddáš čuovvulančuoggáid dáfus strategalaš pláνας.

Mearrádus

1. Sámi girkoráđđi váldá ášši diehtun.
2. Sámi girkoráđđi lea ožžon dieđu ahte 2014 stáhtabušeahas leat lasihan ruđa eambo diakonavirggiide Norgga girkus. Sámi girkoráđđi atná earenoamaš deatalažžan oazžut ruđa guovtti sámi diakonavirgái nugo Sámi girkoallima strategalaš plána árvala, ja doarju dan dihtii evttohusa mii biddjojuvvo Girkoráđi ovdii (vrd ášši GR 65/13).

Ášši SGR 35/13 Dohkkehit davvisámegiela geahččalanteavsttaid sárdne- ja lohkansteakstan

Čoahkkáigeassu

Biibbalsearvi lea lea reivves beaiváduvvon skábmamánu 5.b. d.j. Girkoráđis ohcan lobi váldit atnui Biibbala davvisámegiela geahččalanjorgalusaid sárdne- ja lohkansteakstan dassázii go odđa davvisámegiela biibbal gárvána 2019:s. Ohcamuš guoská sihke ipmilbálvalusaide ja girkolaš meanuide. Ohcamuš čuovvu anu mii buorre muddui lea juo ásahuvvon, ja berre dohkkehuvvot..

Mearrádus

1. Sámi girkoráđđi lea ilus go Biibbalsearvi dál hálida dovddusin dahkat ja ávžžuhit olbmuid geahččalit davvisámegiel Biibbala geahččalanjorgalusaid.
2. Sámi girkoráđđi dohkkeha ahte davvisámegiel Biibbala geahččalanteavsttat maid dál sáhtta lohkat, válđojit atnui sárdne- ja lohkanteakstan ipmilbálvalusain ja girkolaš doaimmahusain Norgga girkus. Dát dohkkeheapmi lea fámus dassá go ođđa davvisámegiel Biibbal almmuhuvvo 2019:s, ja dat guoská daid davvisámegiel biibbalteavsttaide maid Biibbalsearvi ain luoitá almmolaš atnui.
3. Sámi girkoráđđi addá dán dohkkeheami dainna eavttuin ahte Davvi-Hålogalándda bisma doarju dan.
4. Sámi girkoráđđi avžžuha Biibbalsearvi ráhkadit PDF-dokumeantta mas leat mielde teakstaosit juohke sotnabeaivái girkojagis, go dát navdimis dagašii ahte teavsttat adnošedje ain dávjjibut.

Ášši SGR 36/13 Eará áššit

Mearrádus

Ráđđejodiheaddjái ja ráđđelahtuide dahkkojuvvo buhtadusortnet 1.1.2014 rájes daid seammá njuolggadusaid mielde mat gusket Girkoráđi jodiheaddjái ja ráđđelahttuide.